



**SURAT PEKELILING PENTADBIRAN
BILANGAN 2 TAHUN 2014**

**PEMAKAIAN *TWO/THREE - PIECE PANT SUIT*
BAGI STAF WANITA SEMASA BEKERJA
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
22 Julai 2014

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar & Alumni)
Pegawai-Pegawai Kanan

SURAT PEKELILING PENTADBIRAN BIL. 2/2014

PEMAKAIAN *TWO/THREE - PIECE PANT SUIT* BAGI STAF WANITA SEMASA BEKERJA DI UNIVERSITI TEKNIKAL MALAYSIA MELAKA (UTeM)

1.0 TUJUAN

Surat Pekeliling Pentadbiran ini bertujuan untuk memaklumkan kepada pengetahuan semua staf mengenai keputusan pihak Universiti atas perakuan Mesyuarat Lembaga Pengarah Bil 2/2014 yang bersidang pada 7 Mei 2014 telah bersetuju untuk menerima pakai Surat Pekeliling Perkhidmatan Bilangan 9/2014 "*Pemakaian Two/Three-Piece Pant Suit* Bagi Pegawai Awam Semasa Bekerja dengan pindaan terhadap peraturan-peraturan yang berkuat kuasa di Universiti Teknikal Malaysia Melaka (UTeM). Walaubagaimanapun pemakaian Surat Pekeliling Pentadbiran ini adalah masih tertakluk kepada Kod Etika Pakaian & Garis Panduan Pakaian Seragam UTeM 2010.

2.0 LATAR BELAKANG

2.1 Peraturan mengenai etika pakaian pegawai awam semasa bertugas dinyatakan dalam Peraturan 6, Peraturan-Peraturan Pegawai Awam (Kelakuan dan Tatatertib) 1993 [P.U.(A) 395/1993] yang dijelaskan melalui Pekeliling Perkhidmatan Bilangan 2 Tahun 1985 mengenai Pakaian Masa Bekerja dan Semasa Menghadiri Upacara-Upacara Rasmi Bagi Pegawai-Pegawai Awam. Perenggan 2.2.1 pekeling ini menyatakan "*slacks*" atau pakaian seluar tidak dibenarkan pemakaiannya bagi pegawai wanita semasa bekerja atau menghadiri upacara rasmi.

2.2 Pihak Universiti Teknikal Malaysia Melaka juga telah mengeluarkan **Buku Kod Etika Pakaian & Garis Panduan Pakaian Seragam UTeM** pada tahun 2010. Berikut adalah cabutan daripada etika pemakaian bagi staf wanita yang dinyatakan dalam Perkara 3.2 buku tersebut:

- Staf wanita muslim amat digalakkan menutup aurat sepenuhnya.
- Pakaian bagi staf wanita mestilah sopan dan tidak menjolok mata. Staf wanita UTeM amat digalakkan memakai baju kurung semasa bekerja.
- Staf wanita yang memakai pakaian kasual, pakaian tersebut mestilah bajunya melepasi punggung dan kainnya tidak berbelah.

- Seluar “*slack*” yang longgar dan sopan boleh dipakai tetapi seluar yang ketat dan tidak sopan tidak dibenarkan.

2.3 Pada 10 Oktober 2013, Jabatan Perkhidmatan Awam telah mengeluarkan Surat Pekeliling Perkhidmatan Bilangan 9 Tahun 2013 yang membenarkan pemakaian *two / three – piece pants suit* bagi pegawai awam wanita semasa bekerja, bersesuaian dengan kepelbagaian bidang yang diceburi oleh kaum wanita dalam perkhidmatan awam ketika ini.

2.4 Walau bagaimanapun, pemakaian bentuk pakaian perlulah bersesuaian iaitu menutupi seluruh tubuh, baju dan seluar tidak menampakkan susuk serta rupa bentuk tubuh badan.

3.0 DASAR BARU

3.1 Bersesuaian dengan kepelbagaian bidang yang diceburi oleh kaum wanita dalam perkhidmatan awam ketika ini, maka Universiti membenarkan pemakaian *two/three - piece pant suit* bagi staf wanita semasa bekerja atau menghadiri upacara rasmi kecuali upacara tersebut telah menetapkan pakaian tertentu.

4.0 PEMAKAIAN

4.1 Pemakaian *two / three – piece pants suit* bagi staf wanita Universiti hendaklah mengikut garis panduan yang telah ditetapkan.

4.2 Surat Pekeliling Pentadbiran ini hendaklah dibaca bersama **Buku Kod Etika Pakaian & Garis Panduan Pakaian Seragam UTeM**. Walaubagaimanapun, maklumat lain adalah tidak berubah.

5.0 TARIKH KUAT KUASA

Surat Pekeliling Pentadbiran ini berkuat kuasa mulai dari tarikh ianya dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/bpo